



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

המנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

ოქტომბერი
(სეპტემბერი)
№10 (483)
(5782)
2021

„הנורה“

עיתון יהודי

בגוריה

საქართველოს იუსტიციის მინისტრის ვიზიტი ისრაელში



საქართველოს საგანგებო და სრულუფლებიანი ელჩი ისრაელში ლაშა ჟვანია იტყობინება, რომ ისრაელის ვიცე-პრემიერისა და იუსტიციის მინისტრის გიდეონ საარის მინვეციით, ისრაელში იმყოფებოდა საქართველოს იუსტიციის მინისტრი რატი ბრეგვაძე. ორი მინისტრის შეხვედრებზე განიხილებოდა სამოქალაქო და საჯარო რეესტრების თანამშრომლობა, ლეგალური დასაქმების სამართლებრივი

საფუძვლების შექმნისათვის ერთობლივი მუშაობის, ისრაელში მცხოვრები საქართველოს მოქალაქეების სამართლებრივი სტატუსის, პენიტენციური სისტემების კომუნიკაციის საკითხები.

სხვა სახელმწიფოებრივი მნიშვნელობის ურთიერთსასარგებლო საკითხები იქნა განხილული შინაგან საქმეთა და სახელმწიფოს უსაფრთხოების მინისტრებთან შეხვედრებისას.



ბაბი იარის ტრაგედიის 80 წლისთავი

უკრაინაში ბაბი იარის ტრაგედიის 80 წლისთავი ფართოდ აღინიშნა. ამ თარიღს დაამთხვია თავისი ოფიციალური ვიზიტი უკრაინაში ისრაელის პრეზიდენტმა იცხაკ ჰერცოგმა.

ევრაზიის ებრაელთა კონკრეტიდან კი ოფიციალურ ღონისძიებებში მონაწილეობის მისაღებად ეაეკ-ის პრეზიდენტის მიხეილ მირილაშვილის მეთაურობით, ერთობ ნარმომადგენლობითი დელეგაცია ჩავიდა. ეაეკ-ისა და უკრაინის ებრაელთა კონფედერაციის შემწეობით გაიმართა კინოფესტივალი „ჰოლოკოსტი. ჩვენ გვახსოვს“. ფესტივალი გაიხსნა შვეიცარიისა და გერმანიის ერთობლივი ნაწარმოებით „ როგორ მოიპარა ჰიტლერმა ვარდისფერი კურდღელი“. ტრაგედიის 80 წლისთავთან დაკავშირებით, ეაე კონგრესისავე ხელშეწყობით, გამოვიდა ნიგნი მსფლიოს ხალხთა მართალნი. უკრაინა“

6 ოქტომბერს ბაბი იარში გაიხსნა მასიური მკვლელობის მსხვერპლთა მემორიალი. მემორიალის გახსნას ესწრებოდნენ უკრაინის, ისრაელის, გერმანიის, ალბანეთის პრეზიდენტები, სხვა საპატიო პირნი. ცერემონიაზე სიტყვა წარმოთქვა ეაე კონგრესის პრეზიდენტმა მიხეილ მირილაშვილმა.



„ხესედ ელიაჰუს“ ახალი ხელმძღვანელი



ჩვენი მკითხველისათვის ცნობილია, რომ საქველმოქმედო ორგანიზაცია „ხესედ ელიაჰუს“ ხელმძღვანელი ღირსეული პიროვნება და ჩინებული მეთაური ორგანიზაციისა, რეზო შათაშვილი ამ რამდენიმე თვის წინათ გამოაკლდა თბილისის ჯამაათს.

ჯოინთმა, რომლის ეგიდითაც მუშაობს „ხესედ ელიაჰუ“, გამოაცხადა კონკურსი ამ თანამდებობის დასაკავებლად. „ხესედ ელიაჰუს“ ხელმძღვანელობის მსურველი აღმოჩნდა 9 ადამიანი — ამდენი განაცხადი შევიდა ღირსეულობის თანამდებობის დასაკავებლად. ჯოინთის მიერ შერჩეული იქნა თბილისის ებრაული თემის ერთ-ერთი წევრი — იაკობ პალაგაშვილი. ჯოინთის ნარმომადგენელი კავკასიაში ზოპარ დავიდი მიჩნევის, რომ იაკობ პალაგაშვილი გახლავთ „პროფესიული გამოცდილების მქონე ახალგაზრდა.“

მივესალმეთ ამ ახალგაზრდა ებრაელი კაცის დანიშნვას ჯამაათის ცხოვრებისათვის მნიშვნელოვან თანამდებობაზე და წარმატება ვუსურვოთ!

მამის ნათელი სხივი


ლ. მებრაღიშვილი — ფოთის საპატიო მოქალაქე

ცნობილი ბიზნესმენი, მრავალი ღირსებით შემკული პიროვნება შოთა მეგრელიშვილი ფოთში იღვწოდა. აქ ჩამოყალიბდა იგი, როგორც პიროვნება, ბიზნესმენი, ქველმოქმედი — მისი გარდაცვალების დღეს წლები გვაშორებს, მაგრამ ფოთში, და არა მხოლოდ ამ ქალაქში, დღესაც კარგად ახსოვთ ეს ერთობ თავმდაბალი, საქართველოზე, მის კულტურაზე შეყვარებული შოთა მეგრელიშვილი — ადამიანი, რომელიც ქართული პოეზიის მრავალ ნიმუშს ზეპირად წარმოთქვამდა და თავისი ცხოვრების წესით ებრაელი ხალხის ღირსებას განავრცობდა. დღეს მისი ქალიშვილი — ლია მეგრელიშვილი- პაპისმეძეოვა აცხადებს, რომ მას საზოგადოებაში წარადგენენ, როგორც შოთა მეგრელიშვილის შვილს — მამის კვალზე მავალმა ქალბატონმა, როგორც ჩანს, ეს პატივი დაიმსახურა, ე.ი წარადგენენ, როგორც მამისებრ მოყვარულს ადგილის დედისა, მამის საქმეთა გამგრძელებელს. ლია მეგრელიშვილი დღემდე გახლავთ ფაზისის საერო-სამეცნიერო აკადემიის აკადემიკოსი, ამასწინათ კი თანაქალაქელებმა ფოთის საპატიო მოქალაქედ აირჩიეს. ვულოცავთ ქ-ნ ლიას ამ წარმატებას!



ჯ ა მ ა ა თ ი ს ა თ ვ ი ს

მენახემ ელაზარის ინიციატივა



ჩვენმა მკითხველმა უკვე იცის, რომ მწერალმა გურამ ბათიაშვილმა გამომცემლობა „პალიტრა L“ დაკვეთით დაწერა ნიგნი „დავით ბენგურიონი“. ნიგნში ასახულია ამ გამოჩენილი სიონისტისა და ისრაელის სახელმწიფოების აღდგენისათვის დიდი მებრძოლის დავით ბენ გურიონის მოღვაწეობა — მან მიაღწია კიდევ მიზანს: თავის დიდ თანამაზრებებთან ერთად განახორციელა თეოდორ ჰერცლის იდეალები — 1948 წ ალაღვინა ისრაელის სახელმწიფოებრიობა (და არა შექმნა, როგორც ზოგიერთი მიიჩნევს) და მრავალი წელი გახლდათ ისრაელის პრემიერ-მინისტრი.

გურამ ბათიაშვილის ეს ნიგნი, რომელიც გამოიცა სერიით „50 პერსონა. მათ შეჰქმნეს ისტორია“ (ტომი 34-ე), კარგად მიიღო ქართველმა მკითხველმა. საზოგადოებრივი გამოხმაურებაც საკმაოდ საინტერესო ჰქონდა, მაგრამ კავკასიის ქვეყნებში „ჯოინთის“ პირველი ნარმომადგენელი მენახემ ელაზარი არ გახლდათ დარწმუნებული, რომ იმ მკითხველთა შორის, რომელიც წიგნს ეცნობოდა, ქართველი ებრაელებიც იყო. სწორედ ამის გამო, გამომცემლობისაგან შეისყიდა „დავით ბენ გურიონის“ 100 ეგზემპლარი. კარგა ხანი გეგმივდა წიგნის ჯამაათის წევრებისათვის ჩამორიგებას, მაგრამ პანდემია ხელისშემშლელი გახლდათ. დიდი დღესასწაულის — სიმხათ თორის საღამოს ბარიერი გადალახული იქნა: ჯერ დიდი, ე.წ. ახალციხელების ბეით ქნესეთის ჯამაათს გადასცა ტირაჟის გარკვეული რაოდენობა, მერე კი „ბეით რახელის“ ჯამაათის წევრებს. აქ სალოცავის გაბაიმ იოსებ მოშიაშვილმა ჯამაათს წარუდგინა ბ-ნი მენახემ ელაზარი და წიგნის ავტორი, ისაუბრა მათს როლზე ჯამაათის ცხოვრებაში, გ. ბათიაშვილმა კი ილაპარაკა წიგნის კონცეფციაზე, მისი შექმნის ისტორიაზე.

რა შედეგია ერთობლივად გავაკეთოთ იმისათვის, რომ მომავალში მსოფლიოს წყლის პრობლემა არ ჰქონდეს

მსოფლიო ექსპერტები ათწლეულების განმავლობაში განაგრძობენ, რომ ერთ-ერთი ყველაზე მნიშვნელოვანი რესურსი - სუფთა წყალი, სწრაფად იწურება არასაკმარისი მარაგის, ინფრასტრუქტურის ნაკლებობის, ან სოფლის მეურნეობაში და სხვა ინდუსტრიებში წყლის ინტენსიური გახარჯვის გამო. ბევრი ქვეყანა უკვე განიცდის წყლის ნაკლებობას.

კლიმატის ცვლილება და მოსახლეობის ზრდა ამძაფრებს წყლის შემცირებას, განსაკუთრებით გვალვისკენ მიდრეკილ რაიონებში-- ახლო აღმოსავლეთში და ჩრდილოეთ აფრიკაში. ასეთი ტერიტორიების რაოდენობა გაიზარდება, რაც გამოიწვევს შიმშილის, ეკონომიკური შოკისა და წყალთან დაკავშირებული კონფლიქტების რისკს.

ჩვენი ყველაზე ძვირფასი რესურსის მტკიცებულებები მომავალი არის გლობალური გამოწვევა და ის მოითხოვს პოლიტიკოსების, მეცნიერებისა და ინოვაციების მეტ ყურადღებას წყლის უსაფრთხო მომავლის ერთობლივ გადაწყვეტილებების შესაქმნელად.

ქვეყნებმა, რომლებსაც გააჩნიათ წყლის პრობლემა, როგორცაა არაბთა გაერთიანებული საამიროები, პრიორ-



იტეტი მიანიჭეს წყლის უსაფრთხოების ეროვნული ყოვლისმომცველი სტრატეგიით ამ საკითხს, რომელიც მოიცავს წყლის მოხმარების შემცირების, წყლის პროდუქტიულობის გაზრდისა და და-მუშავებული წყლის ხელახალი გამოყ-

ენების გაუმჯობესების მონივნე ტექნოლოგიებს.

სხვა რეგიონებში, ადგილობრივი წყალმომარაგების კრიზისი მოითხოვს უფრო მეტ დარგობრივ ხელმძღვანელობას და ინვესტიციებს. რა უნდა გააკეთონ მთავრობებმა, დევლოპერულმა ორგანიზაციებმა, არაკომერციულმა ორგანიზაციებმა და ინდუსტრიამ, რომ წყლის გამოწვევები დიპლომატიური ჩართულობისა და გლობალური თანამშრომლობის შესაძლებლობად აქციონ?

21 სექტემბერს გამომცემლობამ „საგარეო პოლიტიკა“ (Foreign Policy FP), ქ. ვაშინგტონში მდებარე არაბთა გაერთიანებული საამიროების საელჩოსთან პარტნიორობით, გამართა დისკუსია პოლიტიკოსებთან, ექსპერტებთან და ინოვაციებთან, რომლებიც მონივნე პოზიციებს იკავებენ წყლის მომავლის უზრუნველყოფის სფეროებში.

დისკუსიაში მონაწილეობა მიიღო მიხეილ მირილაშვილმა, კომპანია „ვატერგენ“ (WATERGEN), პრეზიდენტმა და თანადირექტორმა

30 წელზე მეტია, ბატონი მირილაშვილი არის ხელმძღვანელი და დირექტორი მრავალრიცხოვანი სხვადასხვა ბიზნეს ნამოწყებების მთელი მსოფლიოს მასშტა-

ბით ისეთ სფეროებში, როგორცაა: უძრავი ქონება, ჯანდაცვა, ინფორმაციული ტექნოლოგიები, მენეჯმენტი, მედია, აგროტექნიკა, ინოვაციური სოციალური მენარმეობა, სპორტი, მაღალი ტექნოლოგიები, ინფრასტრუქტურა, ეკოლოგია. ბატონი მირილაშვილი თავის დროსა და რესურსს ქველმოქმედების ფართო სპექტრს უთმობს და მსოფლიოს რამდენიმე ცნობილ ორგანიზაციას ხელმძღვანელობს, მათ შორის ევრო-აზიური ებრაული კონგრესის პრეზიდენტის და მსოფლიო ებრაელთა ვიცე-პრეზიდენტის პოზიციებს. კერენ ჰაისეოდ-გაერთიანებული ისრაელი ინიციატივის სახელით 2017 წლის ოქტომბერში მან ისაიას ჯილდო მიანიჭა აშშ-ს ყოფილ პრეზიდენტს ჯორჯ ბუშს მისი ეკონომიკური, დიპლომატიური და უსაფრთხოების თანამშრომლობისათვის ისრაელთან, ხოლო თვითონ ბატონმა მიხეილმა იგივე ჯილდო მიიღო 2015 წელს. გასულ წლებში ისაიას ჯილდოს სხვა მიმღებნიც იყვნენ აშშ -ს ყოფილი პრეზიდენტი ბილ კლინტონი, ისრაელის ყოფილი პრემიერ მინისტრი იცხაკ რაბინი და მსახიობი და პროდიუსერი შერონ სტოუნი.

დიალოგში ასევე მონაწილეობდნენ:

- მირიამ ბინტ მოჰამედ საიდ ხარებ ალმჰეირი, არაბთა გაერთიანებული საამიროების სახელმწიფო მინისტრი კვებისა და წყლის უდაფრთხოების დარგში;
- ქრისტინ დოუსონი, აშშ-ს სახელმწიფო დეპარტამენტის ოკეანისა და საერთაშორისო გარემოს დაცვისა და სამეცნიერო საკითხების ბიუროს წყლის უსაფრთხოების ოფისის დირექტორი;
- ვახიდ ფოტუჰი, ევროპის, ახლო აღმოსავლეთის და აფრიკის გლობალური რესურსების ვიცე პრეზიდენტი;
- მეგი ლეიკი, ვეტერანი ჟურნალისტი და „მეგი ლეიკ მედია“-ს დამფუძნებელი;
- დარიო სოტო-ებრილი, კომპანია „global water partnership“-ის აღამსრულებელი მდივანი და დირექტორი.



სამშობლოს დამცველებს მძიმე ტვირთიც ემსუბუქებათ



ჰაემანი

ქრისტინე შარაშიძის დახასიათებით კი, ბენა არის განსაკუთრებული ენერჯის პიროვნება, რომელმაც არ იცის მერყეობა-ყოყმანი და რომელთან „დასარჩლება ან პირისპირ შეტაკება სახიფათო საქმედ ჩანს“, სამართლის აღდგენისას ნამდვილ დარბევასაც არ ერიდება, თუმცა კი თავის იძულებით ნამოქმედარს მინანქრში ოდნავი სინანულით აღნიშნავს.

ბენას ღამით სამუშაოდ მიზეზი ბევრი ექნებოდა, მაგრამ, შესაძლოა, სწორედ რომ ფრანცისკელეთან კიდევ ერთხელ შეხლა-შემოხლას აარიდა თავი, რაც მამულზე მოხელეთა საბუთებში აღწვსული დახასიათების შესაბამისად, მისი „უკიდურესად მორიდებული და ღირსეული“ ბუნების დასტურია.

სკოლი:
1. ჯვარის მამა -- ჯვრის მონასტრის წინამძღვარი, რომელიც იმ დროს პალესტინის მთელ ქართულ სათვისტომოს ხელმძღვანელობდა. ამასთანავე, გოლგოთის ილუმენის მოვალეობასაც ასრულებდა და საქართველოს მეფეს იერუსალიმის პატრიარქთან აკავშირებდა.

2. თედო ჟორდანის ვარაუდით, სწორედ ლავრენტი გოგელაძეს უნდა ვუმადლოდეთ 1155 წლის ხელნაწერთა ჩვენამდე ყველაზე სრულად მოღწეული კრებულის ე. წ. „ჯრუჭის სვინაქსარის“ ჯვრის მონასტრიდან გამოტანას, რომლის ფურცლებზე, სხვა მეტად მნიშვნელოვან ცნობებთან ერთად, გიორგიპროზორეს (ჯვრის მონასტრის აღმშენებელი XI საუკუნეში) ცხოვრება და იერუსალიმის ჯვრის მონასტრის შენების ამბავი შემოგვიწახა.

3. ტიმოთე გაბაშვილი სწორედ ამ კარს მიიჩნევს იმ საზღვრად, რომლის ზღვრულიც ტაძარში შესვლას მონადინებულმა მარიამ მეგვიპტელმა ვერ გადააბიჯა: „ერთი იგი არს, რომელსა მარიამ მეგვიპტელი ვერ შევიდა, და მეორე -- სხვა“. მარიამ მეგვიპტელის სამლოცველოც მარჯვნივ, ზუსტად კარის ამ მხარეს, მის სიახლოვესავე განლაგებულია.

დოკუმენტში ნახსენებ მესამე შესასვლელში, საფიქრებელია, იგულისხმებოდა მარიამ მეგვიპტელის სამლოცველოსა და ცენტრალური შესასვლელის ამოშენებულ კარს შორის არსებული კიბე, რომლითაც ჯვაროსნები გოლგოთაზე ადიოდნენ. (სურ. 2-ზე ამ კიბეზე ტურისტები სხედან). ამჟამად ეს გზა გაუქმებულია, სამლოცველო კი ფრანცისკელთა ორდენს ეკუთვნის. დღეისათვის, აქვე, ატრიუმის მარჯვენა კუთხეში განლაგებულ წმ. მიქაელის სახელობის კოპტური სამლოცველოდან შეიძლება ტაძრის ერდოზე მოხვედრა.

4. ქრისტეს საფლავის ეკლესიის ატრიუმში სამი მხრიდან შენობებით არის შემოსაზღვრული, მეოთხე, ღია ნაწილი კი, დღეისათვის ძველი სვეტებიდან მხოლოდ ერთია შემორჩენილი (ატრიუმის დას. მხარეს, კუთხეში), დანარჩენი ხუთის ბაზისი ოთხსაფეხურიანი ფართო კიბის მეორე საფეხურზე თვალნათლივ ჩანს. ამგვარ ეზოს ვერც ჭიშკარი ექნებოდა და ვერც ურდულით დასაკეტი კარი.

5. სამლოცველო გოლგოთის ქვეშ, სადაც გადმოცემით, ჯვარცმისას ადამის თავის ქალა გადმოვარდა და ამასთანავე ადგილი, საიდანაც ღვთისმშობელი და იოანე მახარებელი თვალს ადევნებდნენ ჯვარცმულ იესო ქრისტეს. ამიტომ ეს სამლოცველო, რომელიც ამჟამად ბერძ. მართლმად. ეკლესიას მიეკუთვნება, ხშირად მათი სახელითაც გვხვდება.

6. როტონდის სვეტებს მიღმა, ორ თაღს შორის (საიდანაც ქრისტეს დილევისკენ მიმავალი დერეფანი, ე. წ. „ღვთისმშობლის თაღები“) კედელზე მარიამ მაგდალინელის მაცხოვართან შეხვედრის ამსახველი ჰორელიფია, მის მოპირდაპირე კედელზე კი იმავე სიუჟეტის ფერწერული ტილო. ამ ორ კედელს შორის გეომეტრიული ორნამენტის იატაკია. ეს ის საავარაუდო ადგილია, სადაც მარიამ მაგდალინელმა იხილა ზეცად ამაღლებული უფალი. შეხვედრის ადგილად ეს არეა მიჩნეული და მაგდალინელის ღია სამლოცველოდაც ეს ითვლება. ზუსტად მის უკან დებდნარე საყდარი ეკუთვნოდათ ქართველებს.

7. 1507 წლის ჩანაწერის მიხედვით, „სამლოცველო გოლგოთას მთის ძირში (ღვთისმშობლის და იოანე მახარებლის სამლოცველო) მათ [ქართველებს, მ.მ.] ეკუთვნის“. ასევე 1542 წლის ცნობითაც, „ამ ადგილზე, სადაც ღვთისმშობელი და წმ. იოანე ღვთისმეტყველი იდგნენ და ჯვარცმულ ქრისტეს უმხერდნენ, ქართველები ასრულებენ წირვას“. იგივე სურათია უფრო ადრინდელ ჩანაწერებშიც [1479-80 წწ., 1494 წ.].

8. შროშანი -- ბევრ სხვა მნიშვნელობასთან ერთად, ქრისტიანულ ცნობიერებაში, ღვთისმშობლის ერთ-ერთი სიმბოლო; ხარების სცენის მანიშნებელი ყვავილი; სოლომონის მცენარე: „მე ვარ ნარგიზი შარონისა და ლელეთა შროშანი“ („ქებათა-ქება სოლომონისა“, II:1); მისი ტაძრის დამამშვენებელი, განსაკუთრებით გამორჩეული ყვავილი (მესამე მეფეთა, 7:19, 22, 26; გამოსლ., 25:31); მათესა და ლუკას სახარებებში მათთან შედარებული სოლომონი: „შეხედეთ, როგორ იზრდებიან ველის შროშანი: არც შრომობენ, არც ართავენ. მაგრამ გეუბნებით თქვენ: თვით სოლომონი მთელი თავისი დიდებით არ იყო ისე შემოსილი, როგორც თვითეული მათგანი“ (მათე, 6:28-29; ლუკა, 12:27); XI საუკუნის ესპანეთში მცხოვრები ებრაული პოეტის, მოშე იბნ ეზრას ჯემალ აჯიაშვილისეული თარგმანის მიხედვით, დევილი ისრაელის სიმბოლო: „კვლავ გაბრწყინდება საქორწინო ქადა-ხშიადი,/ ჰანგი სტვირისა აამღერებს ღელის შროშანებს,/ ფრთებშეკეცილი ყორანივით წავა წყვდიადი/ და განთიადი ქედანივით შეიფრთოსანებს./ გაღმა გარდავა მწუხრის მისანი, სადმე ცის პირას ობლად მივდებავ,/ მზე მობრუნდება ნაყირმიზალი და ფიალებში ჩანარგიზდება“.

9. არსებობს ტიმოთეს „მიმოსლვის“ ოთხი ავტოგრაფი და ათეულობით დედნიდან გადწერილი პირი. ელენე მეტრეველის მიერ გამოსაცემად შერჩეულია ყველაზე სრული C ავტოგრაფი.

წმ. საფლავის ეკლესიის გეგმა
(ტაძრის ცენტრალური და დასავლეთი ნაწილების მონახაზი)
ა. ატრიუმი
ბ. ქრისტეს საფლავის სამლოცველო (კუუკულია)
გ. გოლგოთა
დ. როტონდა
ე. მარიამ მაგდალინელის ღია სამლოცველო (ფრანცისკელთა)

- მთავარი (სამხრეთის) კარიბჭე
- მარიამ მაგდალინელის სამლოცველო (ბერძნულ-მართლმადიდებელი)
- მარიამ მეგვიპტელის სამლოცველო
- წმ. მიქაელის სამლოცველო (კოპტური)
- გოლგოთაზე ასასვლელი კიბე
- ადამის ეკვდერი, იგივე ღვთისმშობლისა და იოანე მახარებლის სამლოცველო (გოლგოთის ქვედა სართულზე)
- მირონცხების ქვა
- მოზაიკური პანო მირონცხების ქვის უკან
- სამი მარიამის ღია კაპელა
- კობორიუმი, სამლოცველო ჯვარცმის მხარაღი მარიამისა და იოანეს ადგილზე, იგივე მენელსაცხებლე დედათა მცირე სამლოცველო (სომხური)
- აღდგომის ეკლესია — კათოლიკონი (ბერძნულ-მართლმადიდებელი საპატრიარქოს საკათედრო ტაძარი)
- კათოლიკონის გვერდითა კარი
- მკვდრეთით აღმდგარი იესოს გამოცხადების ამსახველი ჰორელიფი მარიამ მაგდალინელის ღია სამლოცველოს აღმოსავლეთ კედელზე
- იმავე სიუჟეტის ფერწერული ტილო დასავლეთ კედელზე
- ღვთისმშობლის თაღები
- ქრისტეს დილევი
- ღვთისმშობლის წინაშე იესოს გამოცხადების სამლოცველო
- საკრისტია (მნიშვნელოვანი ექსპონატების შესანახი საცავი კათოლიკურ ეკლესიაში)
- „კლიტენი იერუსალქმისანი“ გასაღები საავარაუდო კარი
- ჯვაროსნების დროინდელი ატრიუმის სვეტების შემორჩენილი ბაზისები
- ატრიუმის ერთადერთი დაუზიანებელი სვეტი

მადლიერება: ტექსტზე მუშაობისას განეული დახმარებისთვის მადლობას ვუხდით ან განსვენებულ არქიტექტორ **თამაზ თევზაძეს** და კაპერნაუმის (გალილეა) თორმეტი მოციქულის სახელობის ეკლესიის ილუმენს, **არქიმანდრიტ ირინარხოსს**.

სტატიის სრული ტექსტი და გამოყენებული ლიტერატურის სია გამოქვეყნებულია საქართველოს მეცნიერებათა ეროვნული აკადემიის „მაცნეში“ (ისტორიის, არქეოლოგიის, ეთნოლოგიისა და ხელოვნების ისტორიის სერია), 2021, 1.



ებრაული ცეკვა



ჯარის ქალი ქორწილში მიდის